



Biiga, ad mam na n wilga foom gom-biisi, gūus Wēnd t'A na gūus-fo, gūus Wēnd tū fo na mik-A f togellē wā, f sā n na n kos bū f kos Wēnde, la f sā n na n kos sōngre bū f kos Wēnde

Yii a |bn Abbaas nengē, -Wēnd yard be b yiibā yīnga- a yeelame: M da bee Wēnd Tēn-tūm poorē wā, (Wēnd pūusg la A tūlgr be a yīnga), t'a yeele:" Biiga, ad mam na n wilga foom gom-biisi, gūus Wēnd t'A na gūus-fo, gūus Wēnd tū fo na mik-A f togellē wā, f sā n na n kos bū f kos Wēnde, la f sā n na n kos sōngre bū f kos Wēnde, la f bānge: tū nebā fāa sā n naag taaba n na naf foom ne būmbu, b pa na n naf foom rēnda ne būmb ninga Wēnd sēn gūls n kō foomā, b sā n leb n tigim taaba n na n nams foom ne būmbu, b pa tōe n nams foom rēnda ne būmb ning Wēnd sēn gūls n doglg foomā, gūls-m̄zod zēkame, sēbā me kūlme».

[Naşun Şahihon (Gom-sikdem sēn manege)] [A At-tirmiiziy n togs-a]

A Abbaas kōta kibare, (Wēnd yard be a yīnga)tū yē rag n yaa bi-bilfu, n lagem Nabiyamā (Wēnd pūusg la A tūlgr be a yīnga) t'a yeel-a (Wēnd pūusg la A tūlgr be a yīnga): tū m na yeel-f-la yela tū Wēnd naf-f ne-ba: Gūus Wēnde, tū tūud ne fo sēn na n gūus A saglsā n naag A sēn gūdgā, ne A sēn na n mik foom A tūud-rāmbē wā la A ra yānd foom Wēnd kūsgē wā la zunuub-rāmbē wā ye, fo sā n maan rēnda, fo rolbā yaa tū Wēnd na n gū-f lame n yi dūni la laahr yel-kiti la A gū foom fo yēlā pugē, fo sēn teesē fāa. F sā n rat n kos būmbu, bū f ra kose, rēnda Wēnde, bala yaa Yēnda A Yembr bal la sēn sakd bōosdbā boollā. La f sā n wa rat sōngre, bū f ra kos sōngr tū sā n ka Wēnde. La f tall bāng-n-wāaka tū ad nafa ka tōe n paam foom, baa tū tēngā neb fāa gill sā n tigim taaba n rat n na n naf-fo sā n ka Wēnd sēn gūls n kō foom, la nang kōn n tol n paam foom me, baa tū tēngā neb gill tigim taaba n rat n nams foom, rēndame tū yaa Wēnd sēn kord būmb ningā tū na n paama foomā. La ad yel-kāngā, Wēnd gūls-a lame, A Naam yi wagelle la A kord-a n zems ne Wēnd Minimā sēn tūll būmb ningā, la Wēnd sēn gūls būmb ning me ka tedgde.

النّجّات الخيريّة
ALNAJAT CHARITY

